



UNIVERSITÄTS-
BIBLIOTHEK
PADERBORN

Mons Thabor Sive Solitudo Exercitiorum Spiritualium

Bisling, Anselm

[Einsiedeln], 1682

Digressio I. De iniqua Mundi erga Deum ingratitude, stulta vanitate & intima Essentiæ, seu qualitatum ejus exententeratione.

[urn:nbn:de:hbz:466:1-60545](https://nbn-resolving.org/urn:nbn:de:hbz:466:1-60545)

Trinitas, per omnipotentiam, sapientiam, bonitatem, & misericordiam tuam &c. digneris mihi gratiæ tuæ largissimam benedictionem conferre, ut ad te unicum meum, & excellentissimum finem, actuum honorem, & gloriam semper dirigantur omnes meæ cogitationes, eloquia, & opera. Per Iesum Christum Dominum nostrum, Amen. Pater noster. Ave Maria.

DIGRESSIO I.

*De iniquâ MVNDI erga Deum
ingratitude, stultâ vanitate, & in-
timâ Essentiæ seu qualitatum ejus
Exenteratione.*

THEOPHOBVS.

(I.)

Lvbeat vobis, perlustratâ jam totius
universi creatione, per præsentem
digressionem matutinam quaquaver-
sum mecum excurrere; circumspectu-
ris *primò*, quàm præposterè, iniquè &
stultè excæcati Cosmophili suavissimâ
ac regiâ servitute suo ter Opt. Creatori
mille titulis debitâ, sed millenis vicibus
& ultrâ impiè denegatâ; aut putidæ car-
ni, aut Mundo perfido, ipsique adeò ex-
creando damoni, Numinis & hominis
inter

Mundani
relicto Deo
diabolo
servientes.

C 2

inter

internecino hosti, & crudelissimo suorum sequacium tyranno pro mercede sempiternæ maledictionis & carnificinæ se mancipient. Et quamvis pro secundo in hac excursione nobis ad oram maritimam immanissima quædam bellua marina diductis latè faucibus ad vos devorandos sit occurfura, maesti nihilominus animo estote; ego enim apprehendam branchiam illius, & omnia interiora ejus exenterabo, ut de excerpto ejusdem felle salutare contra humanam cæcitate collyrium præparem.

Tob. c. 6.

S. Bern.
serm. 3.
Pentec.

II. Tria, inquit, Sanctissimus ille Claravallis Archimandrita, in magno hujus mundi opere cogitare debemus; videlicet quid sit, quomodo sit, & ad quid sit constitutus. Et in esse quidem, rerum Factoris inæstimabilis potentia commendatur, quod tam multa, tam magna, tam multipliciter, tam magnificè sunt creata. In modo, ipsa sapientia singularis elucet, quod hæc quidem sursum, hæc verò deorsum, hæc in medio, ordinatissimè sint collocata. Si verò ad quid factus sit, meditare, occurrit tam utilis benignitas, tam benigna utilitas, quæ etiam ingratiſſimos quosque ex multitudine, & magnitudine beneficiorum possit obruere potentissimè (siquidem ex nihilo) omnia

Attributa
Dei ex mundi
creatio-
ne elucet.

nia; sapientissimè pulchra; benignissimè utilia sunt creata. Veruntamen præpostera hominum studia cuncta susdeque vertentia ita creaturarum finem, ac ordinem pervertunt, ut in bonis inferioribus sensibilis hujus mundi, jumentorū more totā sensualitate depressi inhient ijs, quæ facta sunt, *Quonam modo, vel ad quid facta sunt* negligentes. Grunnientium sanè animalium simillimi, quæ glandibus ex quercu decussis prono & avidissimo rictu ad abdominis sui impinguationem ac velocem interitum inhiantes, nunquam sursum ad deicientem patronum oculos reflectunt.

Mundani ista non curant.

Porcis si miles.

III. Quid istos nisi ingratissima capita, quid, nisi bruta animantia, & miserissima carnis, Mundi, ac dæmonis mancipia vocemus, homines phrenesi deliros, fascino præstigiatos, suæque amplius rationis minimè compotes? quibus inclamat mundus, ego deficio, caro clamat, ego inficio; diabolus clamat, ego decipio; Christus verò clamat, ego reficio, & tamè eorum superba mens magis vult sequi deficientem, inficientem, decipientem, quàm reficientem, salvantem, & vivificantem in vitam æternam. O verè stultos Cosmophilorum labores, sudores, algores, sollicitudines, &

Idem S. Bern. in serm. Perituris inhærent.

C 3 curas

curas pro honoris fumo, pro voluptatibus
siliquis, pro pugillo hordei, pro le-
edulio, pro exhalatione terræ, pro
ris tenuissimo vapore, imò omnium
nitatum inanitate & nullitate con-
vandâ.

IV. Nostis, Mundum cum omni
substantia rotundum esse instar litæ.

Omnium
rerum mun-
danarum
nullitas.

O. multiplicet ergo Mundi sectator
tenos nominis, honoris, dignitatis
laudum titulos; centuplicet palatio-
rum, honorum, fundorum ac terrarum
sessiones; pascatur omnibus excen-
trabilibus gulæ, sensuum, carnis & a-
liculi delicijs, addat, accumulè que
regros aureorum aggeres &c. quæ
obsecro, quantumve ex omnibus
flabit numerum nisi merissimam
tarum. ○○○○○○○○○○○○. seriem, sine

A Salomone
agnoscitur.

numericâ vel unicâ unitatis substan-
Irrefragabile est Salomonis pro hac
ritate testimonium, qui omnes or-
um rerum naturalium infusas scient
omnem oculorum, sensuum & co-
deliciarum affluentiam, innumera-
gemmarum, auri, argenti que thesa-
ipsoque etiam bis mille & quadring-
tos millones sibi à Patre relictos
putare conando, non plus reperit, q-
meras vanitatum vanitates, nu-
tumque myriades. Quod nobil-

Eccles. 1.
c. 2.

nerofitate Godefridus Præmonſtratenſis Ordinis Religioſus Friderico Imperatori omnia ſuorum ædificiorum, ſuppelleſtilis, argenti, auri, gemmarumque cimelia jactabundè oſtendenti in faciem rotundo ore edicere non dubitavit, ſe pro ijs omnibus non putris calami pretium daturum. Verè igitur inanis & ſtulta, inſatiabilis & canina eſt mundanorum ſolicitudo, pro rodendis hiſ oſſibus, pro quibus tot invicem morſibus & latratibus contendunt.

V. *Vidi*, (ait ſupra memoratus Abbas in mundi ſtultiſſimam vanitatem, ſuorumque aſſeclarum deſideria Laconicè declamans) *Vidi ego aliquando quinque viros; quid n̄ phreneticos arbitrer? primus ſiquidem (Avarus) buccis tumentibus marinam maſticabat arenam. Secundus (Luxurioſus) ſulphureo aſtans lacui, exhalem teterrimum, ſædiſſimumque geſtiebat haurire vaporem. Porro tertius (Iracundus) fornaci incubans vehementer accenſæ, micantes ſcintillas hiantibus excipere faucibus lætabatur. Quartus (Superbus, & ambitioſus) ſupra pinnaculum templi reſidens levioris auræ ſpiritum aperto attrahebat ore, & ſi quò minus influere videretur, ſtabello ſibi ventum ciebat, ac ſi totum ſperaret aerem deglutire. Quintus ſeorſim poſtus ridebat cæteros, ipſe quoque ridendus.*

C 4

G ma

B. Godefridus regia-
rum opum
contemp-
tor.

*Polland in
Viſ. 15.
Apr. n. 2.*

Viſio S.
Bernardi.

*In declam.
ſup. verb.
Ecce nos re-
liq. omn.
De avaris.*

Luxurioſis!

Iracundis.

Superbis.

Invidis.

& maximè; proprias enim carnes (In-
diolus) incredibili quodam studio sugere
borabat, nunc manus, nunc brachia,

Mundano-
rum infatia
bilitas,

alias partes applicans ori. Quo parate
mate subtilissimè Alumnorum ma-
insanias describit, qui sensualium
rum fame, passionumque indomitam
phrenesi laborantes quasi porcorum
liquis ventrem implere satagunt,
possunt. Vnde rectè, vir Dei sp
plenus singulorum facies macilenta
mas esse contemplatus, mundana
feria sortem deploravit.

Mundus
marinæ
belluæ com-
paratus.

VI. Mirati estis & detestati ma-
piorum Mundi stultitiam & immat-
contra Opt. suum Creatorem ing-
tudinem; nunc agite, & eam, que
oculis nostris occurrit, monstrum
put ex infernalibus abyssis attollit
belluam (ipsissimum *MUNDVM*) fe-
lentissimas infinitarum turpitudi-
fallaciarum, perfidiarum, latrocini-
& sacrilegiorum procellas despic-
tem, aggrediamur, & exentere
Ac primò quidem à capite sive fe-
MUNDI ingenio incipiendo, nemo
lius illud penetravit, nemo cl-
illud agnovit, quàm Petrus Gonzal-
immundum porcorum volutabrum
inopinato dejectus. Is pari nob-
& divitijs, quàm mundanâ vanita-

Petrus Gon-
zalez mun-
di Alum-
nus.

levitate spectabilis Canonicus Astorgæ *Polland.*
 in Lusitaniâ dum aliquando in sacris *in vit. 5.*
 Christi Natalibus contra sui statûs Ec- *Apr. n. 16.*
 clesiastici decorem cincinnatus, cala-
 mistratus, ac pomposis vestibibus indu-
 tus, altâ cervice, erectis supercilijs,
 capite velut ad astra protenso in emp-
 to generoso Bucephalo, & urbem &
 vicos, plateas ac pagos ad vanam osten-
 tationem & captandum popularem plau-
 sum obequitabat, in medio alicujus
 rustici pagi, vidente confertissimâ ru-
 sticorum & plebis turmâ, à suo cespit-
 tante equo in profundam fœdamque sui-
 lis volutabri fossam excussus fuit. Vnde
 porcorum more turpissimè sordidatus
 hic nobilis Eques altissimis puerorum
 & villicorum cachinnis ac sibilis con-
 fusus, rabiéque perfusus dixit: siccine
 perfidissime Munde tuos clientes in ster-
 quilinia deijs? Itâne tuos nobiles
 Thraones infimorû hominum ludibrijs
 illudis? Iuro tibi, si te hodie non ab-
 jurem: Dixit, & domum reversus è ster-
 quilinio ad purissimum S. Dominici Or-
 dinem sine morâ transvolans Mundo
 propudiosè ludenti generosè illusit, &
 in virum miraculis clarum evasit.

In cloacani
 ab equo ex-
 cutitur.

Ord. S. Do-
 minici in-
 greditur.

A ventre dissecto istius bestię, & *Polland.*
 facibus excrementorum Mundi exen- *de S. Ina.*
 terationem fecit Ethelburga Inæ Regis *6. Feb. n.*
 An- *38.*

Ethelburga
Regina ostendit
marito mundi
fœditatem.

Ipsa cum
ipso O. S.
Benedicti
assumit.

Mundus est
carnifex su-
orum ama-
torum.

Angliæ conjunx: quæ cum crebris adhortationibus maritum Regem ad Mundi & carnis spurcitas contemnenda persuadere non posset, eidem aliquando totum suum Regium conclave, quo pridie regali magnificentia epulatus fuerat, stupendo ausu circumque recentibus bestiarum stercorebus litum, imò & pretiosissimum conjugalem lectum impositâ porcâ recentios fœtus enixâ, fœdissimè consputum ostendit, atque sub his olidissimè delineamentis pomparum mundi speculando exhibendo, maritum salubri horrore concussum permovit, ut unâ secum regno & regalibus abdicatis, regia palamenta cum Cucullo Benedictino pertaret, inter Beatos postea accensurus.

VII. Videtur etiam accommuni prænominatam exenterationem à vice & collo incepisse, quisquis MUNDUM, truculentum carnificem appetit, qui suos Amatores & Patronos honores, opes ac vitæ blandimenta quasi per totidem scalarum gradus, versis oculis in sublime ducendo, ad summam jugulat, & a scalâ sublimitatis fortunæ dejectos pedibus calcat; eorum oculos rubro alicujus æstimationis humanæ pileolo obvelans, ne minente cervici solitæ mundanæ p

diæ machæram advertant, dum longiorem vitam promittit, illicò vibrato ictu caput obruncat.

IX. PHILOTH. Tua Theophobe suspendij & carnificinæ similitudo, aliam non dissimilem mihi in mentem reducit, viguisse nimirum hunc in Persiâ morem, ut è captivis selectiorem sibi in Regem constituerent, quem regio sceptro ac diademate ornatum, opiparis quotidie lautitijs saginabant, & aliquanto mensium spatio totius populi homagijs adoratum, in festo denique *SACCORVM* nuncupato, furiosè arrip- tum, flagellisque concisum suspendio publico necare solebant. Num & *MVN- DVS* cum suis albæ gallinæ filijs talem ludit catastrophem?

Dio orat.
4. de regn.
Pers.
Persæ Re-
gem impin-
guant.

Postea sus-
pendunt.

X. MONOPH. Talè prostris per omnia, imò multò deteriorè, uti tu Philothee in medio adhuc mūdani hujus theatri spectator, talia quotidie sibi succedentia intueris exempla Virorū, quos Mundus etiā in vitos sibi servire cogit, dumq; aliquādiu illos honoribus extulit beneficijs apparentibus affecit, subitò per calumnias circumventos, persecutionibus & odijs attritos, aut alio miserabili fortunæ casu dejectos, in extremam bonorum, honoris & corporis perniciem præcipientes trudit. Vnde & ego Philothee talem

Mundus
ingratus fit
carnifex
suorum.

Ejus fallacia.

talem Mundi Genium expertus, tandem propitiante Numine à laqueis extricatus agnovi, quàm sint vafra consilia, quàm fallaces servitutes, calida blandimenta, viscosæ persuasiones inania ejus promissa, fucati favores pestiferi amores, & quàm truculentæ, implacabiles, & efferae ejus persecuciones, vindictæ, rancores.

Mundi fructio amarissima.

XI. THEOPHOB. Congruentissima subjecto nostro attulistis uterque, quia hæc magis exteriorem Mundi faciem & morem usitatum repræsentant interiora monstri istius penitus scindendo, prò quanta etiam in genere entis eruitur amarissimi fellis copia quantum turget in genere moris, pestiferi veneni intestinum! Deum immortalem! quanta sequitur perceptæ dulcedinis nausea & amaritudo? quàm gavis post delicias & divitias accumulatas spiritûs afflictio? quæ intolerabilia malæ conscientia laniena? qualis miriadum animarum mundi legibus & precibus confœderatarum incantatio, toxicatio, pestis, interitus, & æterna irreparabilis ruina? Sed quid mirum siquidem inter mundanos ubivis locorum, tot reperire est infandas flagitiorum enormitates, obscœnitatû occurrentes, peccandi pericula, turpitudines

Scelerum mundi sentina.

Coriphæos, improbitatum complices,
 scelerum socios, ac pudendorum faci-
 norum antesignanos; quibus pro sancto,
 & inviolabili Numine est, corporis
 aqualiculum curare, dies, noctesque
 pergræcari, effræni licentiâ non nisi
 Baccho & Veneri litare. Quibus dico,
 Decalogus est; Orthodoxam fidem
 pseudo-policismo & sathanici Machia-
 velli nequijs adulterare, sanctissimum
 Dei nomen sacrilegis blasphemijs pro-
 fanare, Sacramentorum honorem dia-
 bolicis linguis proscindere, vindicare
 duplicatis injurijs injurias, irridere sim-
 plicitatem, sanctitatem, & justitiam;
 calumnijs innocentiam circumvenire,
 lacerare proximi famam, virtutem, &
 veritatem exterminare, virginalem de-
 nique, & maritalem castitatem arte,
 vel Marte, malitiâ, sive blanditiâ, amo-
 re, aut furore expugnatum ire, ut, *qui
 in sordibus est, sordescat adhuc*, omni im-
 munditiæ cæno immersus. Hæc sunt
 Epicureæ mundi Philosophiæ axiomata,
 in quibus ipsius *universa lex pendet, & Pro-
 pheta.*

Flagitiosus
 mundi De-
 calogus.

XII. PHILOTH. O salubre ex
 tot spurcitijs, felle & toxico confectum
 oculis meis collyrium! Vtinam daretur
 & mihi vel ex hoc fluctuantis Eurippi
 pelago ad Religionis portum eluctari,
 aut

aut saltem evadare, heu! commune nimis mundanorum naufragium.

Malitiæ
mundi de-
scriptio.

THEOPH. Vtrúmve malis; tuo stat arbitrio, aut eluctari velle è fluctibus ad portum, aut evadere saltem naufragium, si sapius dicto utens collyrio mundum considerabis, non qualis apparet in larvâ, sed quis & qualis est in se; deprehendes enim, esse omnis fraudulentæ conciliabulum, omnis nequitæ barathrum, omnium turpitudinum cloacani, omnium confusionum chaos, omnium flagitiorum armamentarium, omnium monstrorum Chimærâ, & crudelem ex capitibus Leonis, Lupi, Vulpis, Canis, Porci, Draconis, & Tigridis Hydram, Cerberum triveneficum, præstigiatorém, omniumque instructissimam ad animas perdendas dæmonum officinam. Ut proinde æterni Verbi incarnati irrefragabilis Veritas pro omnibus prædestinatis orans, per publicum sui Archi-Cancellarij edictum protesta-
ta sit, non pro Mundo rogo; quasi famoso omnium caluum reservatorum, ac censurarum, suspensionis, interdicti, irregularitatis, & excommunicationis Reo probato, convicto, judicato, condemnato, denunciato & contumaciter inforDESCENTE; ideoque ab omnibus & quibuscunque fidelibus sub pari ana-
thema-

Ioan. 6.
17.

Mundus
est excom-
municatus,
cum suis
aſſeclis.

thematicis, æternæque maledictionis reatu, & latæ sententiæ pœnâ tantoperè vitando, ut qui solummodò dixerit illi *AVE, communicet operibus ejus malignis* 2. Ioan.
 Hæc de mundo in tuæ salutis & cautelæ, Ô *PHILOTHEE* gratiam. A prandio pro *MONOPHILI* solatio, de incomparabili Religiosi statûs fælicitate agemus. Nunc ad alteram de Redemptionis humanæ per Christum beneficio meditationem vos accingite.

MEDITATIO II.

De lapsu Hominis, & uni-versali remedio Incarnationis Filij Dei, ac Redemptionis humanæ.

*S*uccinctis ergo fide, vel observantiâ bonorum actuum lumbis nostris, &c. passionibus Christi per patientiam participemus, nihil amoris ejus præponere (tentantes,) ut regni ejus mereamur esse consortes.

Ex Prolog. Reg. & c. 4. instrument. 21.

PRÆLVD. Imaginare tibi, ex subito, novo, & insperato casu gravissimi lapsûs totius humani generis, convocari quasi ad diætam, totam curiam cælestem, ad consultandum de remedio.

Punct. I. Confid. Adamum apostatantium Angelorum suasu, parem inobedienciæ contra Deum rebellionem

Lapsus Adami cum consequentijs.

mo-